


整厚那
上



國立中央圖書館藏書	
編	D631 915
登錄	原12602
00776	

整屋縣鄉土志目錄卷上

卷之一

歷史

卷之二

政績錄


卷之三

兵事錄

卷之四

耆舊錄

知縣左一芬編輯



卷之五

附名宦

卷之六

鄉賢祠

歷史

本境名整屋縣杜佑通典漢武帝置漢書地理志太初元年

整屋縣屬右扶風

未置本境以前

唐虞夏為駱國商郝國周為王畿地春秋戰國均屬秦秦為內史
地漢為整屋縣

既置本境以後

東漢省後魏復北周改恒州尋復唐武德時以整屋地置穰州貞
觀時廢以縣隸雍州天授時復置穰州大足時廢武德二年析置

終南縣貞觀八年省天寶元年更名宜壽至德二年復故名五代
皆為盩厔縣梁隸大安府又隸永平軍後唐隸京兆府尋隸
鳳翔後晉北漢同宋析縣西界置清平軍金終南縣隸京兆府
盩厔縣隸鳳翔府後置恒州尋廢清平軍盩厔終南並如故
元併終南入盩厔隸奉元路明洪武二年改奉元路為西安府
盩厔屬焉

政績錄

知縣

北周

長孫熾字仲光上黨人敏慧博學武帝建德二年授雍州倉城令

尋轉蓋屋令

隋

高構字孝基北海人好讀書工吏事累官雍州司馬坐事左轉

蓋屋令甚有治名文帝善之復拜雍州司馬仕至吏部侍郎

唐

戴休琬冊府元龜開元二十三年命十道採訪使舉賢刺史縣令以京兆府蓋屋縣令戴休琬等聞

蔣沆萊州膠水人欽緒子也舉孝廉乾元中歷蓋屋咸陽高陵令美政流行長老紀焉

房武太尉綰從孫令蓋屋吏民恆之

裴均為蓋屋令莅政清平人服其德

明

鄭達字叔通湖廣廣濟人博學善書宣德乙卯舉人正統八年

任教民陶瓦以覆屋開渠以溉田

王節號菴河南大康人天順壬午舉人為政外嚴內寬明法慎
刑卒後百姓走哭如喪慈母為之歌曰先生教種花陳麥爛芝麻
先生教溉田盤屋無荒年

蕭選三河進士宏治十四年任善決訟有威名以事改調歷官僉都御史
楊博字維約蒲州進士嘉靖九年任寬慈和易不事鉤距吏民愛之

然公廉不避權貴狡偽無所縱盜賊作姦皆應手獲無得逸者

李春芳字元寶山西沁水進士嘉靖十二年任性明爽發姦摘伏
育才養民值荒歲勸富人貸貧民種且為之營度計長久行

取兵科給事中

何起鳴字應岐四川內江進士嘉靖三十九年任以廉敏聞作集
賢書院錄士子之才者教之豐其廩餼發姦摘伏若神境有偷株
連數十人起鳴盡解釋之獨杖殺偷他獄訟俱從寬以故人無怨
言計畝均糧役無輕重歷三年徵拜諫議歷官工部尚書

南邦化山西安邑人由進士任明敏寬宏畫條鞭法著為令民被德
程凱河南郊縣人由進士任未嘗輕笞辱人兩造庭看多諭以休
息合好各心服去性公正不可干以私課試生徒終日默坐後寢疾
小民籲懇如私親比卒歸櫬泣送者途為壅塞

秦聚奎漢陽人由進士任釐剔姦弊惠澤及物有民坐春臺吏行冰

上之謠歷官侍郎

梁克順號篆一前令克從兄由舉人萬歷四十八年任具雄才政務振肅
剖決如流廢墜悉舉其德澤之最深著者莫如捍寇恤災勵士
勸農開濬渠道大興水利百世賴之任滿擢御史著有後梁

政略

簡仁端字季麟四川榮縣舉人崇禎壬午以西安府同知署篆邑方
罹兵燹閭里邱墟仁端極意撫綏釐剔姦蠹訓士民以氣節豪
宗悍弁治以法時旱魃為虐疏廣濟諸渠溉田齋宿步禱甘霖立霽
寇據南山恣橫設法堵禦城賴以安得代去合邑如失慈母

本朝

駱鍾麟字挺生浙江臨安舉人順治十六年任性和厚多得士民心修學宮繕城垣濬河渠續修邑志於邑多創作去之日士民為立祠歷官常州知府

章泰字來之會稽人康熙十七年由監生任邑當滇蜀寇警之際修城郭與地利又建社學烈婦祠白龍廟學宮衙署以及邑中古蹟皆修葺一新其運餉籌兵讞獄諸善政邑之人至今猶尸祀也後陞雲南養利州知州

朱文炳字豹采順天大興人廩貢教習雍正六年任性明敏有

才幹渭河冲决荒粮為民請豁去害大半民甚德之

鄒儒字企嶧江西樂平人雍正己酉拔貢以經義治事例薦用前任浙江慶元知縣丁艱再補於乾隆十一年任建對峯書院重修邑志愛民禮士雅擅時譽

慶麟字仁山滿洲鑲紅旗舉人同治元年署立義學繕城堞團練鄉勇守城二年十月藍逆陷城公仰葯死

張其蕙字芳邨直隸南皮縣人由翰林散館同治九年七月任修理城垣書院倉廩設立義學勦除齋匪種桑養蠶民咸德之

典史

田崇璧長慶初尉盩厔有能名武后詔長安薛季昶擇僚
吏堪為御史者季昶訪于盧齊卿齊卿以崇璧等對遂
皆通顯

王播字明敷太原人後徙揚州貞元中舉賢良方正異等
補盩厔尉以善治獄擢為監察御史後相穆宗再相文宗

白居易字樂天其先自太原徙下邳貞元十年擢甲科授
校書郎憲宗朝調整厔尉

教諭

趙珍臨禎人由舉人任性剛毅訓士嚴肅以禮經設教講
明宗旨孤經藉以不墜後蓋士有以曲臺業相繼掄魁者
皆其薪傳也

劉仁瀘州舉人正德年任能古文詞督學訓士多有成就
監使

宋

蘇軾字子瞻眉州眉山人士嘉祐六年對制策入第三等除大
理評事簽書鳳翔府判官年譜嘉祐七年壬寅先生年二十七
官於鳳翔二月有詔郡吏分往屬縣決囚蓋屋與焉

鎮將

唐

王忱唐國史補王忱為蓋屋鎮將清苦肅下有軍士犯禁杖而枷之約曰百日而脫者有三我死則脫爾死則脫天子之命則脫非此臂可折約不可改也由是秋毫不犯

金

劉興哥鳳翔虢縣人為楊沃衍部將與元兵戰於清化死之敵兵至酌酒以弔西州者老語之俱為流涕

兵事錄

漢

後漢書馮異傳建武三年赤眉雖降衆寇猶盛蓋延據整屋稱將軍異屯軍上林苑中稍誅擊豪傑不從令者褒賞降附有功勞者悉遣其渠帥詣京師散其衆歸本業關中悉平

三國

蜀志王平傳延熙七年春魏大將軍曹爽率步騎十餘萬向漢川前鋒已在駱谷時漢兵不滿三百平遣劉護軍杜叅軍據形勢平為後拒

魏志曹爽傳是時關中諸氏羗轉輸不能供牛馬騾馱多死民
夷哭泣道路入駱谷行數百里敵因山為固兵不能進叅軍楊偉
為爽陳形勢宜急還不然將敗爽乃引兵還

蜀志姜維傳延熙二十年魏征東大將軍諸葛誕反於淮南分關
中兵東下維欲乘虛向秦川復率數萬人出駱口衆皆惶懼魏大
將軍司馬望拒之鄧艾比軍於長城維倚山為營望艾傍渭堅
圍維數下挑戰望艾不應

晉

濟南惠王遂傳司馬勲以梁州刺史守武當石季龍死中國

亂雍州諸豪師馳告勲率衆出駱谷壁於懸鉤去長安
二百里於是關中皆殺季龍太守令長以應勲

通鑑綱目趙王遵遣王朗帥精騎二萬以拒勲為名因劫
石苞送鄴

十六朝春秋永和五年胡陽赤起司竹衆至萬人遣使詣征
西桓溫中軍殷浩請救

方輿紀要安帝義熙六年桓元餘党桓石綏等因盧循入
寇起兵駱谷襲據西城

魏書太武帝紀太平真君六年盧水蓋吳聚眾反於杏城民
皆渡渭奔終南山七年二月丙申幸蓋屋誅叛民耿青孫溫二
壘與蓋吳通謀者六月甲辰發定冀相三州兵二萬人屯南山
諸谷以防越逸

陸真傳高宗和平中咸陽民趙昌受劉彧署龍驤將軍扇動鄜
蓋屋二縣聚眾數百人據赤谷以叛真與雍州刺史劉邈討平之
趙昌單騎走免

崔延伯傳孝明帝孝昌元年春正月莫折天生勢眾屯黑水詔延

伯為使持節征西將軍西道都督討之延伯率精兵數千下渡黑水

列陣西進向賊壘揚威脇之徐退賊以延伯衆少開營競追衆過十
倍臨水逼蹙延伯不與戰身自殿後抽家東渡如神濟盡自渡賊
徒奪氣相率還營後日延伯勒衆而出天生恚衆來戰延伯身先
士卒陷其前鋒於是勇銳競進大破之

隋

舊唐書柴紹傳平陽公主高祖第三女也義兵將起紹間行赴
太原公主乃歸鄠縣莊所散資招山中亡命數百人何潘仁
聚衆於司竹園公主命人馬三寶說以利害又說李仲文等盜
各帥衆數千人來會時京師遣軍來討公主率衆挫其鋒掠

地至盤屋武功始平皆下之得兵七萬人及高祖兵渡河紹遣將數百騎迎公主時公主將精兵萬餘與太宗軍會於渭北與紹各置幕府俱圍京城營中號曰娘子軍

唐

冊府元龜趙欽為驃騎武德初賊師呂寶生七千人破盤屋縣欽擊之斬首百餘級

高祖本紀武德二年左屯衛將軍何潘仁及山賊張子惠戰於司竹死之驍騎將軍趙欽王娑羅及山賊戰於盤屋死之

冊府元龜武德二年四月司竹羣盜祝山海有衆一千自稱護卿

公太子建成率兵進擊山海平之

肅宗本紀至德二載閏八月辛未京畿採訪使崔光遠及安慶
緒戰於駱谷敗之

党項列傳上元二年党項入寇掠鳳翔盩厔

肅宗本紀十月吐蕃犯京畿寇盩厔等縣自司竹園渡渭循南山
而東

代宗本紀廣德元年渭北行營兵馬使呂日將及吐蕃戰於盩
厔敗之乙亥又戰盩厔敗績

丹府元龜廣德二年盜徧南山李抱玉討之遂分兵守諸谷遣精

騎襲擊不閱旬平之

代宗本紀永泰元年渾刺奴寇盩厔京師戒嚴

通鑑大歷五年李抱玉移鎮盩厔軍士忿怒大掠鳳翔坊市數日乃定

渾瑊傳乘輿進狩南山瑊以諸軍衛入駱谷口懷光追騎至後軍擊却之

王鐸傳中和二年鐸帥衛兵洎梁蜀師三萬壁盩厔移檄天下共討黃巢

昭宗本紀景福二年九月乙亥覃王嗣率扈駕五十四軍屯於興

平李茂貞屯於整屋以兵逆攻王師大潰

韓全誨傳天復元年全誨等火宮城欲劫百官徙天子李德昭等
按兵衛之乃得免茂貞以帝居整屋時公卿皆在長安數日不聞
朝廷敕書乃使王浦見朱全忠曰上猶在整屋公宜速進茂貞見全
忠將至以帝入鳳翔全忠進圍之既而徙營渭北據高原與茂貞戰
不勝全忠夜入整屋

通鑑十二月全忠遣朱友寔攻整屋不下全忠自往督戰整屋降屠之

宋

高宗本紀建炎四年春金人拔終南縣經略使鄭恩戰死

金

紹興十年秋金人犯永興軍蓋屋縣王俊逆戰於東駱谷却之

元

楊沃衍傳部將劉興哥者哀宗時與元兵戰於清化死之

明

順帝本紀二十三年六月己亥李思齊攻圍興平遂據蓋屋

二十八年正月李思齊部將忽林赤脫脫張意據蓋屋

紀事本末徐達率兵至鹿台元陝行省平章哈麻圖棄奉元走蓋

屋為民兵所殺左丞拜泰古逃入終南山

資政錄萬曆甲辰狃狃倡亂蓋鄂聲勢相應窟穴其中鄂令捕沙倉等十一人置於法而探囊穿窬之輩久之乃戢

鹿樵紀聞叛兵楊國棟擁二千騎披雙鎧直抵西安城下乞撫巡撫練國事在鄂縣聞之馳還度賊不受撫必西走蓋屋密檄沿途官兵馳備更設伏於蓋屋之夾水溝時禾茂泥淖騎不任馳伏發殲其半斬國棟以獻餘仍逃終南山

崇禎甲戌六月初七日賊混世王八大王張胖子隨山虎自鄭安出從鄂縣至馬召村村民以鄉勇拒之殺掠甚慘七月鑽天鷄及叛軍楊林從子午谷南集賢至縣都司樊世中肅漢鼎與戰破之

賊南走南鄉一帶焚掠一空

延西玩寇錄八月陳奇瑜行部至鳳縣見賊勢益盛北至慶陽南至邠州西南至盩厔殆數十萬

明史九年七月孫傳庭敗賊於盩厔擒闖王高迎祥及劉哲等獻俘闕下磔於市賊推自成為闖王

本朝

順治二年十二月二十三日賀貞自西來邑令崔鹿鳴遁去城守楊居士
死之

三年正月十一日胡叔子出芒谷劫團標谷殺前孝廉李瑁搶劫無
遺李張二將逐之尋就擒

九年至十七年賦首王才周禹劉四王友權必強王根害祁克贊
楊剛白守愛季沙鶴李廣等先後盤踞南山一帶劫掠村堡焚
燒盧舍防將張世美程福亮勦撫並施根株俱盡民始獲安

嘉慶三年白蓮教匪齊王氏李全掠盤屋提督王文雄

拒之崔千總奮勇領虎頭藤牌三百名出迎賊驚竄退
馬隊衝殺賊死大半逃入山

同治元年閏八月髮逆郭跛子入邑境焚掠東南鄉十月
髮逆曾建業擾黑水峪口署守備張得祿與戰西岸我師敗
績二年二月曾由黑水峪移營過小麥屯殺士民焚房屋

無算九月間陶軍門來整曾入南山十月初七日髮逆
藍大順由洋縣率賊千餘竄整城下初九日城破張守備陣
亡知縣慶麟與其妹及妾俱自盡是月多忠勇公來整圍
賊三年二月十五日收復邑城藍賊四百餘人逃入平利縣鄉兵
殺之三年五月髮逆偽齊王由東竄西鄉朱家岔上三屯啞

相等堡收麥蓋二順由洋縣出山竄焦家巷偽齊王復破
史務堡六月陝西巡撫劉中丞蓉統義兵駐六曲等處用大
礮擊焦家鎮藍二順逃去官兵殺之蕭營官入山生擒大
順賊衆降

同治二年狃匪破臨川寺村殺人無數來至黑河以東十室

九空堡村保全止三處南集賢堡約劉纏知回匪勢衆買毒藥
和入麥粉內約二石餘偽為逃難負糧之狀置堡門外以俟

回賊正月十三日回匪數千人圍村被鎗礮傷堡人甚多退後
駐尚村取毒麵食之死者屍積至車七八輛以後再不敢擾

嗣多忠勇討平之

同治六年二月髮逆偽齊王張宗禹由河南竄盩厔賊
百餘萬劫掠而西劉帥松山郭帥寶昌追之

耆舊錄

名臣

宋

趙瞻字大觀其先亳州永城人父剛太子賓客徙盤屋瞻
舉進士第除萬泉夏縣令英宗時以侍御史上疏力爭官
官王昭明等不當為陝西諸路鈐轄上納其言及議濮安
懿王稱親瞻爭曰仁宗既下明詔子陛下議者顧惑禮律
所生所養之名要相訾難彼明知禮無兩父貳斬之義敢
裂一字之詞以亂厥真臣請與之建辨以定邪正

元

鞏遵先世朔州人祖孝章仕金為監軍長子固為金駙
馬都尉領軍民元帥居冀寧次安實即遵父也冲澹不

樂仕進遊於秦愛終南山水因家焉遵性豪俠幼讀書於
三台峯下以材智科仕元至御史中丞好施濟遠近感德崇
祀鄉賢

明

王傅字良弼父襄陽知府傅成化乙酉舉於鄉乙未成進士
授禮部精膳司主事充冊封藩藩副使贈遺千金卻不受
護大虜使出境遺金傅亦如之遷主客郎中河南旱飢流離
屬道勅傳賫白金三百兩往賑聞命即日就道全活萬餘人
歸奏方略及陳時政十條悉見采納

王元凱字堯卿號終南宏治辛酉舉於鄉與弟元正同登正

德辛未進士授兵科給事中因主事王崇慶以諫忤繫獄元凱
論救武宗怒詔逮對狀凱曰主事部官因言繫獄元凱諫
官得罪分也尋釋崇慶

王元正字舜卿號玉壘生四歲始言十五善屬文從兄元凱
淹通今古正德丁卯與弟元亨舉於鄉時劉瑾竊政羅致閑
中名士正因避南山不應公車及瑾誅與兄元凱登辛未進士
凱授兵科給事中正授翰林院檢討侍經筵時武宗幸宣大
駐蹕榆林羣臣累請不報正獨述尚書五子之歌以諫
趙忻字子樂父早卒忻善承父志少機警行修潔中
嘉靖丁酉舉人辛丑成進士授長洲令蒞邑
事凡所掾切皆依名義無所偏曲於楚獨多

撫邱延禮縫掖士而獨於黠吏按無少貸長洲人德之勒石以紀其績

李復聘字叔徵別號秦麓嘉靖辛酉壬戌聯捷進士除聞喜令聞喜賦重民貧苦催科聘至曰赤子啼飢而奪之乳謂慈母何於是孳孳拊循俟既甦始立徵期民爭輸之甲子分校得閣學王山陰卷曰此台輔器也已果大拜擢南京廣東道御史抗疏劾執政一勛貴一薦有望大臣十評發千戶洪勳侵沒之詭一時風裁赫奕出為四川按察司僉事

張幾字知幾正德庚午登賢書甲戌成進士未弱冠也文名高三輔尤侃侃多士節司理廣平不阿權貴有紃袴者以納賄事覺大吏屬脫之幾卒付於理民有汙田歲苦

潦幾教之種蓮繄以輸賦調真定理滯達枉摘發如神考
最徵入比部避藩歲改丞松江飛輓每先諸郡邑拜山東
簽事按察青州諸郡海濱多無賴少年往往交納亡命有
烽火警言輒奮臂大呼挾眾以行尺符不能約束幾庶知其
狀因以間執諸豪通繫之無賴者皆解散

王三聘字夢莘別號兩曲祖宰父玉並懿節著鄉里聘生
十齡失怙母辛氏苦節聘為學惟求大義不事章句文類韓
蘇諸大家督學教異立嘗批其卷曰氣凌霄漢嘉靖辛卯
以尚書第二人舉於鄉乙未登進士乞歸省疏云伸之則忠
有餘日抑之則孝不及時蓋情見乎詞矣初授大理評事尋簽
事河南時南陽諸屯并侵於豪驛苦供頓聘咸為規畫遠近

仰望豐采丁母憂服闋政簽事四川會蠻猖獗同事者讒
以怯遂浩氣東歸廬廬僅蔽風雨然所著五經集錄小學
集註性理字訓三字經註解字學大全子史錄古今事物考
盤屋縣志禹貢註解終南仙境志養生日錄諸書行世

趙子達字汝儀號華峯萬曆己酉舉於鄉庚戌成進士授
行人奉命使蜀歸擢雲南道御史尋按直隸督漕運時鄒滕
妖黨猖獗肆掠徐沛淮揚間運道梗塞江南粟數百萬幾不
能達中外洵洵達盡力經營轉輸卒賴以濟又明於兵事其練
兵一疏云兵惟練而後強鐵練則分為千將莫邪竟忘其鐵之
質士練則化而為甲士力士死士志謀勇敢之士與所持之器習
弄之若承蜩故名曰兵且名之曰精兵朝野欽其說以勞卒

贈太僕卿

循良

明

王璽字達用正統辛酉禮魁任武陟訓導陞縣令歲歉設
法賑民繕城垣修學校葺倉庾傳舍建橋梁以濟時人
創社學以教鄉子弟擢監察御史風采赫著歷永平襄陽
知府歸處林下十餘年卒號貞齋先生

王仁字元德性方直有節操未貴時行路見有遺糧價者
伺以返之正德十一年貢太學任石樓知縣公廉簡易邑地瘠賦
重流移居半為招徠復業間出俸佐民買牛以耕士人赫明學
家貧無室為娶婦有老婦白氏寃獄八年立剖釋之陞四川順
慶通判以保甯善桑種教民移植以佐稅至今利之

劉一全字修初萬曆丙子舉人選臨晉教諭躬行率士陞馬邑知縣以循聲調贛榆上元內擢部郎出為常德汾州知府歷滇南兵備晉參政以權璫擅政求去今崇祀鄉賢

袁養和號節寰登萬曆戊子賢書仕至雲南副使體度嚴整歷中外三十餘年所至繪像尸祝居鄉待人以禮遇興除事毅然任之請除行設三百七十餘石里人德之後逆闖入閩鬱悒不食而卒

本朝

袁恒新字聖銘康熙甲午舉人任山東招遠知縣初抵任即倡修文廟邑諸生張象賁素著文行甚貧為歲具銀米以資讀歲歉有賣子女者悉捐資贖歸並不問其姓名

路元錫終南鎮人乾隆己酉拔貢本科舉人由教諭升任
藁城良鄉知縣會值歲災奉 旨往鄭家口截漕米八千石
令各州縣自行運載又按依次極貧戶口領銀一萬餘兩元錫
令各營總赴鄭家口領運百姓歡呼共賠水陸運費七千餘金
因逾期被議去官在官日治獄平允挑選壯丁百餘名訓練自
給軍器糧糗以備不虞歸田後訓子成名科第蔚起人謂
為積善之報

李宗燾廣濟鎮人幼聰慧束髮讀書即了然經義成

擢湖南衡州府知府以憂去官楚帥胡文忠公深器之
任以鄖陽守調武昌守瘡痍之後興學勸農諸政畢舉
楚人愛之如父母丁外艱歸闕中回亂多忠勇延為襄
辦軍務陝事定授汴梁首郡屢遷至布政使入祠河南

開封名宦祠

儒林

漢

摯恂字季直伯陵十二世孫博學善屬文帝隱於南山之陰
馬融如恂受業恂愛其才因以女妻之永和中公卿薦恂行
侔顏閔學擬仲舒文參長卿才同賈誼公車徵之不詣大
將軍竇武舉賢良亦不就清名顯於世

唐

江融通曉兵法為左史撰九州設險圖脩載古今用兵成敗事
宰相魏元忠微時從遊盡傳所學焉

明

楊楠字志田萬曆甲午拔貢歷任龍安府同知學以發明
心性為宗毅然以橫渠涇野自况居喪不用浮

屠法守霍時乃請故學正曹月川先生從祀在豫救
荒在晉調理宋藩在蜀保守危城俱有政績解組歸與長
安馮少墟渭上史蓮勺岐陽張心虞諸君子講學南山所
著有克己藥言行世

本朝

李顥字中孚父可從明崇禎十四年從總督汪喬年出關征
闖賊敗於襄城陷陣死顥時年十五母子楚楚日不再食既
長刀學尤篤信濂洛關閩諸書性純孝事母色養及歿哀
毀幾絕葬祭如禮服闋訪父遺骸於襄城不獲為位痛哭招
魂而歸康熙十二年總督鄂修復關中書院邀顥主席人稱
二曲先生督撫薦剡交上先後奉

旨特徵以疾辭康熙四十二年冬

翠華西幸

召見時顯已衰老遣子慎言詣行在陳情復呈呈所著二曲集反

身錄

賜御書操志高潔以獎之年七十有九卒題請崇祀鄉賢

文苑

明

趙嶺字子函號敦物山人長蘆運副方立子豐神俊偉美髭
髯幼穎異不好弄性獨嗜書手一編不置日誦可萬言屬文沉
摯有奇氣好左氏司馬家言尤嗜李杜詩歌督學余曰此子當
以詩古文詞名海內父疾嶺拊膺籲天請身代及卒柴毀擗踊奠
祭一準於禮母張有姊寡而無子迎養如奉母萬曆己酉與姪于

達同舉於鄉。座師袁中郎極賞識，取冠麟經。因三罷春官，嘆曰：「丈夫不能樹駿流鴻，苟嘯傲山水間，亦足寄吾平生矣。」

王養民號梅窻，以所居霏香精舍植梅數十本，故取以自號。馬少篤學博極羣籍，尤工天文，補邑庠弟子員。四方學者執經問難，多所發明。崇禎末，以明經入太學，不仕。生平介節，自持館節使署，有持千金干以私者，嚴却之。所著有書經璞記、測注、傲言、諸書。

本朝

趙雲鳳字羽玉，可行孫也。早年馳聲黌序，研精子史，旁攻詞賦。年四十一卒。所著有續四維論、覆瓿集、一齋草。古今元音見山樓書。

譜藏於家

路德字潤生終南鎮人元錫子嘉慶己巳進士由庶
常散館改戶部主事考取軍機章京敦倫崇品湛
深學術以目疾乞歸屢主閩中各書院造士多所成
就一時名公卿多出其門子弟掇科第者指不勝屈
其為文淹貫經史才華馳騁雄肆一代詩賦入古人堂奧
所梓文詩哀然成集舉世之人奉為泰山北斗老年目疾
復明入祀鄉賢國史館有傳茲不備志論者謂五世同
堂三世翰苑洵為邑中望族也

明孝友

趙彬終南里人性至孝母病嘗糞而甘知疾危悲泣不勝居喪

盡禮力田有餘粟輒以贍人嘗拾金壹袋乃維楊人張德所遺者追而還之榆林諸邊舊輸本色轉運維艱彬力陳當事允改折年九十三賜老人爵人呼為趙壽官云曾孫折登進士官應天巡撫

楊起潛隆慶庚午舉人性至孝赴都門會試聞母訃徒跣奔喪蔬食三年哀毀骨立尋卒生平獎掖後學孳孳不倦以塵經授門人姜文聘及子楠

辛守仁東關里人父疾篤百藥不效仁焚香祝天割脇煎湯以奉父遂愈壽至九十餘方割之夜夢青衣神為之吹氣和藥刀傷七日大痊知縣王之栩申上臺給冠帶榮身

袁正父往川十年不歸正徒步覓父誓不見不返山行勞憊暫憩秦嶺下忽遇一老僧頭大如斗戴椽笠從茂林出語正曰汝孝子也可往西南行可見父遂至中江果與父遇抱頭痛哭哀動行路中江令暨紳士相慰勞觀者如市人咸以為孝感云

武謨邑庠生崇禎七年五月賊虜其父承文索贖謨兄弟三人爭欲往謨曰汝兩人尚無子若有不測是絕父一枝也我有子即他變亦所甘心其妻牽衣悲泣謨徑去不顧賊得賂釋父復欲謨降謨不從遂遇害知縣田時暢題請建坊立祠於縣大門之左

本朝

張厥淇水里人順治四年六月三十日山寇金龍夜破厥保土殺兄厥掠兄子靈娃而去厥念兄止一子不得返因負己子補娃往換以歸意再圖取贖家貧緩期值寇移營以補娃年幼不能從行

遂殺之後厥得子人謂天不負厥云

楊德時年十二喪父哀毀逾成人既葬日至墓側哀號不
輟奉母賈氏曲盡孝養母失明旦夕禱神以舌舐日期
年母目復明既而母病復禱神疾遽瘳享年九十餘
三學使以至孝感神旌其門

名宦祠 在 文廟中和門左祀

唐縣令歷尚書僕射裴均

縣令歷右散騎常侍蔣沈

縣令歷刑部尚書白居易

縣尉歷檢校工部李商隱

元縣尹擢本路治中孫明道

明知縣鄭達

知縣王節

知縣歷兵科給事中王聘

知縣歷少師吏部尚書謚襄毅楊博

知縣兵科給事中李春芳

知縣歷工部尚書何起鳴

知縣馬魯卿

知縣程訓

知縣歷吏部尚書房壯麗

知縣擢鞏昌道同知王之栩

知縣擢御史梁克順

知縣叅攻張鯤化

署知縣西安府同知平署知府簡仁瑞

訓導陳讓

本朝陝西學道贈兵部侍郎謚忠節葉映榴

知縣張元凱

鄉賢祠 祀

漢摯恂

徵士

唐江融

左史

宋趙瞻

知樞密院
謚懿簡

元肇遵

御文中丞

明王重

襄陽知府

王傅

四川參政

王元凱

兵科給事中

王元正

翰林院檢討

王三聘

四川檢事

李德聘

湖廣副使

王仁

順慶府通判

楊楠

龍安府知府

袁養和

雲南副使

任澄清

僕縣知縣

李純

府谷教諭

劉一全

雲南布政使司參

本朝李顯

徵士

